

25324

Med.

Miscell. med.

375

DECANUS FACULTATIS MEDICÆ
GEORGIUS VVOLFF-
GANGUS WEDELIUS,
MED. DOCTOR, ARCHIATER ET
THEORETICES PROFESSOR PUBLICUS,

LECTORI BENEVOLO

S. P. D.



1739



Verissimum esse assertum: Ex quibus vivimus & nutrimur, ex iisdem quoque agrotamus & morimur, & ipsa res demonstrat, si consideremus machinam vitalem penitiùs, & concors sententia Medicinæ & Philosophiæ procerum.

Principia vitalia omnium viventium & mixtorum, adeoque & hominis statuuntur à *divino Senecduo*, ignis & aqua, id est, sanguis & serum, *l.1. de diat. c.4. t.1* & *l.2. de diat. c.31. t.11.* sic ut auctioris, generationis & morborum ex his arcessat originem, ipsamque animam ex horum *συγγεγνησθαι*, *con-temperatione*, constare asserat.

Liceat unicè laudare, quæ de alimento scribit, *l.c. l.1. c.8. t.16.* alimentum procedere, *inquiens, ἀπὸ ὑδατος ἕκρῃ, καὶ πυρὸς ὑγρῃ, ab aquâ sicâ, & igne humido.* *Lindenius* secutus per omnia ferè *Marinellum*, ut hic *Cornarium*, ab aquâ & igne, sicco & humido vertit, eodem quidem sensu, sed vix ἐμφανῶς textûs assequente.

Conformis *Coo Philosophus sect.1. problem. ult. εἰσὶ ἦ νόσοι, inquit, αἱ μὲν, ἀπὸ πυρὸς αἱ δὲ, ἀπὸ υδατος, morborum alii ab igne, alii à rore creantur.* Quid convenientius dici posset? quid clarius, & ad mentem *Senis* aptius? Idem quoque intendit *Pergamenus*, quando *l.3. Epid. comm. 1. t.4.* humores sanitatis autores æquè ac morborum esse statuit. Si proportionati sint inter se, si instructi debitâ qualitate, ut *δυνάμεις* & *ἀνρῶντας* obtineant moderatas, sanitas affulget; sin minus, contrarium accidit. Licet enim id de quatuor illis humoribus intelligat; idem tamen innuit, cum pituita feri, bilis sanguinis foetus sit vel affectio, acidum utrique commune melancholiam geminam pariat.

Exempla morborum à ferosâ colluvie oriundorum plura collegit *Carolus Piso libro singulari*; ut ab igne febres cum-

primis arcessuntur, unde eodem nomine, *πυρεξ, πυρετς*, denominari consueverunt. Ex utroque videtur conflata arthritidis, articulorum dolorificus affectus molestissimus, ardore & fluxione infamis.

Sanè si attendimus, quæ solenni olim velut decreto & consensu de arthritidis causis statuminata sunt, caput ceu fontem humidi plerique accusarunt, ut nihil frequentius legas, quam in his & aliis dolorosis affectibus depluos à cerebro catarrhos in causâ esse, adeoque exiccandos, intercipiendos & tollendos.

Et negari non potest omninò, fluxiones de capite celebrari quoque ab *Hippocrate* non paucas, quam in rem laudamus vel unicum textum *l. de loc. in hom. cap. 18. t. 1. seqq.* ubi non possumus non meminisse *t. 15.* cum antiquas partes posticis, ventrem dorso opposuisset, ferri innuens humores vel ad ventrem, vel *πρὸς τὴν πλάτην*, redditum hoc falsò esse communiter *ad nasum*, cum mens & verba textus dicta *ad spinam* fieri lationem evincant. Adeò errante primo & alter & tertius eundem errorem propagat, ut vel hinc pateat, quanti intersit fontes consulere Græcos.

Enimverò si horum nos demittamus in penetralia intimiora, causa videtur laudanda, quare ad catarrhos, ad caput retulerint medicorum plurimi causam arthritidis & similium aliorum quoque affectuum, confusio nempe catarrhi & rheumatismi, uno defluxionis nomine communi venientium.

Uterque est motus vitiosus humorum, diversus tamen, non unus. Catarrhus sero proprius, rheumatismus sero & sanguini conjunctis magis. Illius defluxus magis fit in cavitates manifestas, fauces, nares, pulmones; hujus in poros & carnes. Catarrhus successivè magis, rheumatismus *ἀσθενὲς καὶ βίαιος*, confertim & cum impetu, adeoque & dolore; alter influendo effluit seu extravasatur, hic effluendo influit & *σπῶν* habet conjunctam longè acerbior.

Colli-

Colligere id licet abundè tum ex laudati *Senis* pluribus locis, quos inter huc pertinet *l. de carnib. c. 17. t. 16.* tum ex usu loquendi genuino recepto; unde si contrarium aliquando occurrat, id ἀντίρροπον & latè intelligendum magis fuerit, quàm propriè; tum quoque ex re ipsà, seu humorum excernendorum modo ac naturâ. Germanis uno nomine communi audit fluxionis, qualis æquivocatio aliàs in rupturæ & fracturæ redditione occurrit quoque.

Non minus verò & altera causa laudari meretur, *Helmontio* notata, *l. asthma & tussis inscripto t. 42.* Laticis ignorantia catarrhos finxit. Circulatio lymphæ læsa catarrhos efficit, sanguinis rheumatismum, utrobique agentis & patientis habitâ decenti ratione.

Circuli humorum apud antiquissimum *Coum*, nunquàm satis laudandum, manifestissima occurrunt indicia, ast temporum lapsu an injuriâ obscuratus sæpius fuit & confusus motus hic, unde, præter alios suo loco à nobis citatos, & *Lælius à Fonte consult. 21. p. 148. & seq.* licet agnosceret motum cordis non rectum, sursum & deorsum, nec CIRCULAREM absolute, (quod orbem perfectum non conficiat,) illum tamen CIRCULAREM, seu motum in orbem, quàm maximè imitantem; non pervidit tamen hæc penitus.

Simul exorbitantia fit talis, & defluxiones & fluxiones, catarrhi & rheumatismi præstò sunt. Hi fontes sunt genuini, unde scaturiunt vel cœcâ coitione, à quâcunque causâ occasionali enata vitia in motu, vel feminali præviâ labe, utrobique; salino charactere simul impellente, rodente, & conspicuo.

Pluribus idem explicuit, in Dissertatione Inaugurali medicâ, Clarissimus & dignissimus Artis Apollineæ Candidatus, **BARTHOLOMÆUS KRÜGERUS**, cujus honestos natales, mores inculpato, profectus laudatissimos descripta damus.

Patriam nactus est Brunsvigam, Ducatum inferioris Saxoniae metropolin, natus Anno Messiano M DC LIII. ipso die XI. Martii, qui Gregorio sacer est, Patre Clarissimo & Doctissimo, PETRO KRÜGERO, hodiernum illustris, quod ibidem viget, Martiniani Lycæi ConRectore emerito, matre DOROTHEA ZIRENBERGIA.

Hi Parentes à teneris pietate, bonis & moribus & literis imbuendum commiserunt Scholæ patriæ Præceptorum publicæ ac privatæ Informationi. Adulto ingenii & corporis robore studiis dicatus aptatusque est fidelissimâ per triennium manuuctione Clarissimi, Amplissimi & literatissimi M. JOHANNIS MORINGII, laudati Lycæi Rectoris famigeratissimi, non minus ac ipsâ paternâ, domesticâ publicâque. Quæ verò sanctior parentum cura fuerit? Quæ magis sollicita de salute concrediti pignoris fides?

Uti verò transplantando germina sæpè adolescunt magis, & alio loco posita decentius formantur plantæ; sic quæ domi hauserat, consilio paterno & jussu Halberstadii egregiam accessionem acquisivè, fidelem opem conferente Clarissimo M. CHRISTOPHORO HENRICO LAUTERBACHIO, Gymnasii Cathedralis t. t. Directore, hodie Gymnasii Senatorii Lüneburgensis ProRectore meritissimo, cujus tam dexteritatem quàm fidelitatem gratâ memoriâ veneratur. Ejus enim auspiciis & eloquentiæ præcepta hausit, & oratione publicâ de Poetis nascentibus probavit, in Logicis item & Metaphysicis non parum profecit.

Hic cum per biennium substitisset, præsidii literarum probè instructus ad almam hanc studiorum matrem, Salanam Academiam, accessit d. VI. Martii M. DC. LXXVI. Hic verò nihil intermisit, quod ad ampliandam scientiam in Philosophico studio, & foenerandam eruditionem in Medico, ad hoc enim naturali citabatur ductu, ullo modo faceret.

Illo nomine Lectionibus Physicis publicis Excellentissimi
mi

378

mi Viri, CASPARIS POSNERI, Phys. Prof. celeberrimi delectatus est; atque informandum se intimius commisit CLM. JOHANNIS WEISII, t. t. Amplissimæ Facultatis Philosophicæ Adjuncti, dexteritati; hoc verò Professorum Excellentissimorum & Celeberrimorum tam publicè quàm privatim sectatus est fidelissimam informationem.

Inter alia RUDOLPHUM WILHELMUM Krauß/ Phil. & Med. Doct. Pract. & Chim. Prof. Publ. & Facultatis Seniores venerandum, de affectibus capitis & universi corporis partibus, operationibus item chemicis publicè docentem audivit.

Nec minus AUGUSTINUM HENRICUM FASCHUM, Anat. Chirurg. & Botanicæ Professore & Archiatrum Saxonicum studiosè secutus est, seu in horto medico, sylvisque & montibus luxuriantes oculorum panegyri naturæ dotes exponeret; seu in Theatro Anatomico publicè vel domi cadavera humana profecaret, ipsasque inde operationes Chirurgicas ad oculum demonstraret.

Cumque & meum postuletur testimonium, sincerè profiteor, meis auspiciis illum abundè profecisse. Cur enim non proficiat, qui datam discendi amplissimam occasionem ambabus amplectitur manibus? Publicis Lectionibus interesse gloriæ sibi duxit, inprimis de facultatibus medicamentorum, & pharmaciâ propositis commentis; Exercitationibus item lectoriis & disputatoriis in institutiones medicas, de morbis mulierum, compositione medicamentorum; materiâ Medicâ, pathologiâ speciali, & aliis.

Publice quoque edidit specimen comparatæ eruditionis sub nostro Præsidio, E PHARMACIA IN A.F.R. DISPUTATIONEM V. strenuè ventilando. Taceo, quæ domi hospitanti nobiscum videre contigit hæc illa, ad usum in praxi facientia.


Ut verò non perfecta solum, sed & matura studia impen-
deret

deret publico, conversationem hinc elegit Doctorum viro-
rum, innotescens Marchia luminibus variis, cum primis mo-
ratus & praxeos comes redditus apud Nobilissimum & Experi-
entissimum NICOLAUM SCHULTZIUM, Medicinæ
Licentiatum, Medicum Provinciale Veteris Marchiæ felicis-
simum. Inde praxi Stendaliæ exercitâ Ann. M. DC. LXXX.
Ostervici, vocante Amplissimo Senatu, constitutus Physicus
Ordinarius ita inclaruit, ut, grassante contagio pestilenti, Sum-
mè Reverendi & Nobilissimi Status Principatûs Halberstadi-
ensis Medicum Provinciale constituerent.

Cum itaque nil desiderari posset, quàm ut tam dignè
dudum promerito summi in Medicinâ conferrentur hono-
res, rediit ad nos nuper eo fine. Admissus sufficientissimè
probavit, quantum in Theoriâ doctus & praxi expertus esset.

Idem cùm facturus sit in Disputatione solenni, DE AR-
THRITIDE VAGA SCORBUTICA, d. XI. Augusti, sub Præ-
sidio laudati D. FASCHII, habendâ, Rectorem Magni-
ficum, designatum Rectorem Magnificum, omniumque Or-
dinum ac Facultatum Proceres, Professores, & Hospites
officiosè & peramicè invito, ut honorificâ ac amicâ præsen-
tiâ suâ actum hunc condecorare dignentur. P. P. d. V.

August. A. C. M DC LXXXIII.



L. S.

